

四庫全書

子部

欽定四庫全書

六藝之一錄卷三百八十

錢唐倪濤撰

歷朝書譜七十

鑒藏

明張丑清河書畫舫

韓存良太史購藏鍾元常摹鍾鼎篆正考父鼎銘當

為漢魏遺墨之冠其次則王元美尚書家正書薦

季直表上有畫錦堂等印及元人跋尾王美續收

褚河南哀冊文顏平原送裴將軍北伐詩並屬真筆  
晉武帝我師帖真蹟宣和祕府官本今在震澤王氏  
當為帝王書法之冠

韓存良太史家陸士衡平復帖計九行墨色有綠意  
紙亦不雜碎前存宋徽宗泥金標題又聞王羲之  
破羌帖王獻之洛神十三行晉人小楷曹娥碑楊  
羲黃素黃庭經唐玄宗鶴鵠頌褚遂良千文張旭  
宛陵帖鍾紹京靈飛六甲經吳通微千文懷素論

書帖

或云山  
水帖

徐浩道經上卷賀知章千文顏魯公

自書誥吳融博士帖蘇軾自書八賦米芾草書十

二帖宋高宗絹本洛神賦并有李昭道臨顧愷之

圖畫趙孟頫小楷道德經全本種種真蹟在其家

未及全見之

索靖章草出師頌一卷用黃麻紙書之上有宣和印

識朱色如新與古譜文合文壽承定為真蹟為之

刻石或云頌文蓋出蕭子雲元初藏霍清夫處見

雲煙過眼錄宋時在錢總房下亦見米氏書史

謝安石書六十五字四角開元小璽御府書也永存  
珍祕印入唐相王涯家翰林之印建中御府所用  
東方朔畫像贊相傳逸少真蹟乃永和十二年五月  
十三日書與王敬仁者筆蹟茂密法律森嚴其靡  
破處歐陽詢補之宋初在丁諷學士家尋入宣和  
祕殿有御書璽記暨南渡後復歸趙與勤家雜見  
書史書譜雲烟過眼錄中

王羲之袁生帖釋懷素夢遊天姥吟皆宋府祕物為  
吳王氏藏本並神品也

周敏仲携示逸少行穰帖一卷亦載宣和書譜中首  
尾重跋宛然予細辨乃唐人硬黃臨本定非真蹟  
先輩言祕府御題書畫真贋相雜驗之信然

逸少草書司馬帖今在山陰人家宣和祕府故物也  
筆法淳古可愛為真無疑

五字不損本定武蘭亭序一卷元初藏譚崇文許有

寅亮元章等題名張仲壽趙孟頫袁桷諸賢跋尾  
相傳歐陽率更所模墨花滿面真希世之寶也茂  
實府君購得一本筆法精勁高古較唐宋摹搨字  
形幾小一倍後歸之大兄矣

陳仲醇妮古錄云今皇帝天藻飛翔雅好書法每攜  
獻之鴨頭帖虞世南臨樂毅論米芾文賦以自隨  
董其昌聞之中書舍人趙士禎言如此因考右軍  
曾書文賦今可見者趙榮祿書耳

獻之中秋帖卷藏於馮李項氏子京自有跋細看乃  
唐人臨本非真蹟也卷首截去十二月等六字亦  
無米贊可考第裝背標錦則宣和舊物也豈南宮  
寶帖元末曾輸入大內邪

震澤王氏陶隱居黃庭外景經楷法俊逸翩翩不羣  
云係張可與故物可與號繡江前元進士生平寶  
祕蕭子雲進寫古文啓真蹟及此

李文正公家藏智永千文一卷是藏鋒書前有宋徽



宗瘦金黃綾帖云梁釋智永真草千文合縫用宣  
和等印雖歷世久遠字畫略無殘缺今在武陵高  
氏

吳原博先生家藏林藻深慰帖宋祐陵故物也有紹  
興二壘柯九思陳彥廉等印有李侗張仲壽黃中  
邵亨貞袁華張適李東陽文徵明八跋跋載珊瑚  
網中

唐文皇手勅一通用黃麻牋書之今在韓存良太史

家宋祕府故物也右帖全倣右軍風神散朗品在  
宋思陵上屢欲告假刻石卒未得

唐玄宗御書鶴鶴頌白麻紙真蹟結構精謹筆法縱  
橫迴出吾家思陵御書叙文之上後有蔡京蔡卞  
二跋亦妙近周敏仲購得一本乃雙鈎填墨者至  
積時不晤良可歎也

敏仲所收唐玄宗恤獄詔當時勅付毛應佺者黃麻  
紙書舊在樞李項氏朱忠僖故物也

虞永興汝南公主墓誌稿凡十八行見米老寶章待  
訪錄後入郭天錫家元章跋尾尚存今藏瑯琊王  
氏敬美奉常故物也頃金壇王宇泰太史賞其峭  
拔為摹入鬱岡齋帖中

馮李項氏祕藏歐陽詢行書夢奠帖清勁絕塵乃楮  
紙真蹟宋末藏郭天錫處子昂二識尾勤有堂故  
物也其後又入楊東里家有東里跋跋今不存右  
帖授受有緒的是名物陳仲醇定為宋人書豈為

世所淆亂耶

近聞歐公夢奠帖及顏書鹿脯帖俱在樵李項氏當  
往觀之

褚河南黃麻千文一卷瘦勁絕倫楷書真筆後有宋  
濂等跋今存韓宗伯存良家几十數閱唐人書法  
世不多見此真可寶者

韓氏藏褚遂良楷書千文黃麻紙大類所書聖教序  
疎瘦婉暢逸趣翩翩按宋濂溪跋尾河南真蹟千

文如鐵線縈結而成即此本也

陸東之書法似舅風氣過之傳世蘭亭詩五首今在  
馮李馮開之家筆法飄縱妍媚動人品在李北海  
顏平原之上故米南宮極稱許之或云此帖與王  
維江山雪霽圖李昇瀟湘煙雨卷皆太史公朝夕  
展玩者也

陸東之時工臨寫今校理錢延年有東之書蘭亭用  
綠麻紙押尾署陸司議書

孫過庭書譜真蹟亦藏韓太史家嚴分宜故物也前  
有宋徽宗滲金御題政和宣和等印元初在焦達  
卿敏中所上下兩卷全今已缺其一上卷亦不能  
全文氏為摹刻停雲館帖中此帖宋時刻入石亦  
止存一卷

嘉興王廷槐藏張長史春草帖亦在嚴分宜家嘗入  
宣和祕府宋元人題名并跋甚多

張長史真墨宛陵詩李西臺蘇才翁皆有跋江陰卞

華伯故物都玄敬書評云非真蹟也此卷今在韓氏謂出春草詩上兩家持論不同如此當細辨之  
朱太保藏鄭虔閨情詩帖白麻紙真蹟

解氏藏李北海永康帖今在吳郡王氏真蹟神品上  
上

嚴氏書畫記曰懷素絹本草書千字文一卷初藏海鹽姚氏其家云此帖一字值千金故號千金帖不知幾傳失去予以善價得之通用黃絹八幅絲理

精細纖毫無損交接處用軍司馬印箝記亦曾摹刻於停雲館後歸史氏自史氏歸嚴氏今已入內府矣蓋晚年書也

懷素酒狂帖舊在光福人家後歸李貞伯氏楊凝式鑒定寶寧賜玩記王詵寶寧賜第書廷堅觀倪瓚  
八月十一日觀於耕漁軒

項玄度藏懷素苦筍帖真蹟後有米敷文跋尾其書較酒狂帖更勝



顏真卿大字瀛洲帖為宋宣和御府故物元初藏張  
可與家後具王芝鮮于樞等六跋喬篔成題名弘  
治中歸之史明古嘉靖壬辰復在華中甫家而文  
徵仲為之跋至甲子歲為茂實府君所購後歸樵  
李項氏

朱巨川誥并跋在孫氏

啓南翁所藏予僅得南宋五公手札一卷後有李西  
涯吳匏菴諸公六跋即都玄敬寓意編中所載也

王氏又藏沈傳師出塞詩一鮮于伯機故物亦見雲  
煙過眼錄中

柳誠懸小楷度人經真蹟後有華山道士魚又玄跋  
大觀宣和小圃趙嚴馮子振宋濂題識舊藏項司  
馬少溪家以授仲子希憲

項氏寶藏吳彩鸞正書唐韻全部鮮于承旨故物復  
為陸太宰全卿所購

五代楊凝式草書神仙起居法小米鑒定後有思陵

釋文五行西秦張激等印記商榷留夢炎跋語乃  
郡人王氏所藏也

賈似道家藏名蹟

已載于前  
茲不重錄

祝希哲藏宋李建中千文一卷在其後人處末簡宋  
元人品題極多下迨文徵仲太史有跋語真名蹟  
也近為玉峰好事家購去矣

宋宣獻公綬楷法為宋初第一極得黃庭經樂毅論  
遺法長洲黃氏藏其小楷千文一卷宋潛溪故物

即天章閣所貯舊本也

陸放翁自書詩一卷共計七首字畫道勁可愛後有  
山陰杜思永跋今在吳郡王氏

朱文公自書武夷九曲詩卷在歙人黃某處

蔡君謨茶錄真蹟一卷王敬止故物後入嚴分宜家  
小楷精謹紙墨如新文徵仲太史極稱賞之

趙定宇祭酒藏蔡忠惠公中楷謝賜御書詩表字大  
如指頂結構謹嚴後有文同米芾等跋堪與韓存

良太史家蘇文忠公元祐二年宜春帖子墨蹟作對其題識多至十餘人悉宋元名手祭酒歿後流傳至長兄伯舍處故丑得見之

先子累歲購求書法僅得東坡小楷乞居帖真蹟王氏世藏坡翁小楷芙蓉城詩真蹟神品上上蓋得之嚴分宜所筆意姿媚可喜與吾家乞居帖絕不類或云徐氏小楷金剛經項氏小本表忠觀碑真蹟庶幾近之然未及見

又見東坡行書九辨帖筆意妙絕而無款識豈遭元祐黨人之禍當時收藏者削去之耶

馮李項氏藏行九歌一卷止錄文選中所載六段

東坡草書寒食詩後黃山谷跋今在馮李項氏又行書禱雨帖乃與錢齊明者今在金壇于氏

瑯琊王氏購藏薛道祖禊飲序一卷宋祕府故物即停雲館帖所載也

秦少游小楷黃庭經在長洲黃氏質山公故物也後

有吳傅朋李秦發鮮于伯機康里子山四跋尾

秦太虛楷書古詩十九首一卷今藏震澤王氏

易安詞彙一紙乃清悶閣故物也卷尾略無題識僅  
有點定兩字耳

黃魯直諸上座帖草書師懷素頗逼真即嚴氏書畫  
記所載也舊藏李范菴家

黃魯直年譜載元祐丁卯歲行書大江東去詞全倣  
瘞鶴銘法後附次韻子瞻題郭熙秋山圖詩小楷

精謹今在韓太史存良家本嚴分宜故物也

文徵仲藏黃魯直行書曹子建詩二首用澄心堂紙  
李廷珪墨為之

嚴氏藏黃山谷草書嬾殘和尚歌筆法妙入神紙墨  
完好真尤物也

朱性甫藏米老臨黃庭經一卷後歸石田翁

伯啓晚年又藏米南宮晚年書宗室崇國公墓誌銘  
鄭居中撰文幾二千字極得多力豐筋緩總急送



後有袁楠鄧文原黃潛柳貫揭泐葉盛吳寬七跋  
是廣省參政劉公欽謨故物跋載朱性甫鐵網冊

瑚中

米老行書杜甫題王宰畫山水歌等帖並藏樵李項  
氏米尚有自撰自書登黃鶴臺下臨金山賦在嚴  
分宜家行筆奇偉足稱墨寶

海岳翁行草書帖今在城西王氏

馬主事抑之藏米臨顏魯公爭坐位帖全本上有賈

似道之印元時入袁文清公家袁公前後凡再跋  
云

張謙藏米南宮帖十二冊各以類次如手東家書詩  
文分四類上有閱古珍玩大印乃韓侂胄故物也  
思陵行書子美題奉先劉少府新畫山水障歌黃蠟  
箋真蹟前後用乾卦御書內府之印及紹興三璽  
武林胡氏藏高宗御書損齋二字并御製損齋記右  
僕射沈該以下聯名親書表在後並屬真蹟此卷

前元時在王子慶處亦見雲煙過眼錄

思陵草書一卷墨蹟藏玄海家每行止二字字大如拳押縫有御書之寶印識尾有御書瓢印收藏有濟之圖印及三槐堂印

思陵洛神賦卷絹本大行草後署德壽宮書李嚴詩題後

思陵行書蘇武李陵詩共七首姿媚可嘉與吾家杜陵詩帖正同今在黃氏

項氏藏子昂秋興賦一卷左方有張東海跋尾

王氏舊藏宋人小楷史記真本一部原是松雪翁物  
信國手書過小青口詩一卷後有原博濟之二跋乃  
徵仲故物也今摹刻停雲館中

予家藏祝希哲懷知詩卷字小而結構雄偉購之謝  
氏真竒蹟也

祝京兆楷行離騷經九歌行草孔雀東南飛二首並  
藏吳中王氏是盛年妙筆

吾家世傳希哲京兆行書莊子逍遙遊師虞世南城  
南陸氏藏王履吉草書枚乘七發倣十七帖又一  
好事家收文徵仲小楷古本水滸傳全部法歐陽  
詢未及見之

明董其昌容臺集

予曾有右軍行穰帖真蹟十五字是十七帖一種及  
武林楊侍御自安福傳來唐摹絕交書紙墨用筆  
與行穰帖同彥京為予勒石因識之

謝惠連墨蹟新都汪氏所藏予令人摹勒入戲鴻堂  
帖中

破邪論是唐人小楷與柳誠懸清淨經並是真筆一  
見之義興吳光祿家摹刻戲鴻堂帖中

壬辰九月過嘉禾所見有褚摹蘭亭徐李海少林詩  
顏魯公祭濠州伯父文藁趙文敏道德經小楷皆  
真墨也

予昔于宋光祿見永師千文後有永師押字薛紹彭

收藏印

曹娥碑真蹟卷有高宗跋是北宋物元文宗命柯九思鑒定御府書畫因賜之以旌其勞在婁江王文肅公家

靈飛六甲經鍾紹京書有宋徽宗標題後有倪雲林虞伯生跋海寧陳太常次公所藏

黃庭外景經真蹟與內景經同一絹素同一筆法又有云是宋高宗臨者在吳江吳憲副家

顧愷之女史箴不全本在嘉禾項氏

行書蘭亭序褚河南臨澄心堂紙米元章跋在海寧

陳家缺三行

又蘭亭褚臨墨蹟絹本王弇州家藏復歸新都汪太  
學有米元章小行楷跋今在廣陵

蘭亭唐標第七本絹素奕奕無題跋亦似褚筆今在  
新都王氏書畫舫

大令東山松帖真蹟送梨帖真蹟皆曾見之今不知



歸何人

顏魯公送劉太冲序綠箋書北京國學刻石真蹟奇  
宕為遼東李帥所藏

顏魯公祭李明文真蹟鮮于伯機所藏跋云吾家無  
第一天下無第二在新都吳太學家停雲館所刻  
乃米臨予刻之戲鴻堂帖者是也

丁丑三月過京口訪張太學修羽出所藏楊少師真  
蹟賞玩彌日

項晦伯家有趙文敏書汲黯傳小楷特為道媚與本  
家筆不類

東坡先生書養生論真蹟一卷是靖江朱光祿所藏  
後為河南俞中舍購去今吳中多雙鈎偽迹乃從  
我家戲鴻堂帖摹出

子在長安得趙伯駒畫老姥授陰符圖及游白岳見  
趙子昂書陰符小楷并置篋中

清淨經蘇門高子業家藏今歸義興吳光祿丞澈如

宋搨精妙下真蹟一等耳

柳誠懸有小楷清淨經予摹于海上潘光祿刻之戲  
鴻堂帖中

黃庭經以師古齋刻為第一乃遂良所臨也淳熙續  
帖亦有之

黃庭經是褚本曾於沈純甫司馬齋頭見之今歸問  
卿收藏

趙文敏拔定武蘭亭獨孤東屏二本皆有真蹟或十

三跋或十七跋予皆見之

謝萬鯁恨帖真蹟在新安溪南吳氏

王獻之述書狀有褚良摹本子見之

歐陽率更令所書千文楊補之家藏本

信本有小楷九歌予得宋搨世無二本為朱御醫以  
古硯易去

義陽吳光祿丞澈如寄褚登善千文示予予披覽數

日

歐陽信本有楚辭諸帖刻於長沙

東林岳麓寺碑皆宋以後重刻大照禪師碑乃唐時  
硬黃雙鈎子最嗜李書晚獲覩此遂摹勒上石以  
公同好雖謂之唐搨可也

昔顏平原鹿脯帖宋時在李觀察士衡家今為辰玉  
所藏

爭坐位帖在永興安師文家安氏析居分而為二人  
多見其前段師文後乃并得之相繼入內府今前

段為項德新所藏

杜牧之書張好好詩深得六朝人風韻予所見顏柳以後若溫飛卿與牧之亦名家也

陳仲醇既摹子瞻南華妙高二帖他日復得煎茶聽琴詩各一篇子亦得三馬圖贊皆奇絕

徐浩道德經上卷在無錫華學士家乍見似紙素諦觀知為絹本

張長史宛陵帖有李建中蘇舜欽易簡三公題跋韓

宗伯所藏以為甲觀

楊凝式少師韭花帖宣和書譜所載正書今在嘉禾

項氏

米元章行書離騷宜興吳民部所藏近始裝潢成帙

真海內奇觀

唐碑懷仁三藏聖教序行楷新都吳周生不惜十五  
城購之非賞鑒家求一見不可得也周生發願刻  
石今晦迹千年始復出見

吾家有黃庭經樂毅論東方贊曹娥碑四種宋搨加  
以十三行洛神賦及米元章弭盜疏共六帖冠絕

海內

明董其昌畫禪師隨筆

右軍官奴帖已卯秋予試留都見真蹟蓋唐泠金箋  
摹者此帖後歸婁江王元美予于己丑詢之王澹  
生則已贈新都許少保矣

大令洛神賦真蹟元時猶在趙子昂家今雖宋搨不



復見矣今日見此四行亦唐摹泠金舊蹟在樵李  
項氏

予在梁溪見徐季海道德經

襄陽書天馬賦予所見已四本一為擘窠大字後題  
云為平海大師書後園水丘公觀在嘉禾黃履常  
參政家一為檢討王履泰藏乃仿顏平原爭坐位  
帖一在吾鄉宋參政家在新都吳氏後有黃子久  
諸元人跋

懷素自叙帖真蹟嘉興項氏以六百金購之朱錦衣家未得之內府蓋嚴分宜物沒入大內後給侯伯為月俸朱太尉希孝旋收之其初吳郡陸完所藏也文待詔曾摹刻停雲館行于世予二十年前在樵李獲見真本年來亦屢得懷素他草書鑒賞之唯此為最

予見懷素一帖云少室中有神人藏書蔡中郎得之藏真書予所見有枯筍帖食魚帖天姥吟冬熱帖皆

真蹟以澹古為宗

趙文敏臨禊帖無慮數百本予所見亦至夥

米元章書多從褚登善悟入登善深于蘭亭為唐賢  
秀穎第一此本蓋其衣鉢也

子三見子瞻自書赤壁賦一在檣李黃承玄家一在  
江西楊寅秋家一在楚中何宇度家黃卷有子瞻  
跋尤勝然皆前賦也後赤壁則惟趙子昂有石本  
又思陵嘗書之夏禹玉為補圖亦在楊寅秋家

客有持趙文敏書雪賦見示者予愛其筆法道麗有  
黃庭樂毅風規未知後人誰為競爽

秦太虛撰龍井記直稱蘇家勝友元章此碑絕得李  
括州三昧惜多殘闕予為補之

韓宗伯家藏子敬洛神賦十三行真蹟

爭坐位帖予以陝本漫漶乃摹此宋搨精好者刻之  
戲鴻堂中

褚遂良西昇經與淳熙祕閣續帖所刻黃庭經同一

筆法真蹟昔藏新都殷尚書家予在長安曾於殷  
參軍家見之後歸武林洪黃門黃門遂以贈予

韓宗伯藏曹娥碑真蹟絹本乃宋德壽殿題元文宗  
命柯九思鑒定書畫賜以此卷趙孟頫跋記其事  
甚詳

婁水王奉常家藏趙吳興詩帖致佳予從高仲舉見  
之

新都汪太學孺仲以宋搨爭坐位帖見示神采奕奕

字形較陝刻差肥時有訛字乃是米海岳所臨米嘗自記有臨爭坐位帖在浙中此殆其真蹟入石者耶

唐鍾紹京書遁甲神經有宣和政和小璽宋徽宗標識倪元鎮家藏有元鎮跋語

予游京師得鑒李伯時西園雅會圖有米南宮蠅頭題跋已丑四月又從唐完初獲借海岳千文臨成副本

十七帖硬黃本宋時魏泰家藏淳熙祕閣續帖亦有刻予在都下友人汝陽王思延得硬黃本已于濟南邢子愿見所刻石本即王本也

樂毅論梁世所摹與唐摹字形各異淳熙祕閣梁模本也予家戲鴻堂帖唐摹本也又有一本唐摹在長安李氏曾屬余跋亦有文壽承跋蓋貞觀中太宗命褚遂良等摹六本賜魏徵諸臣此六本自唐至今予猶及見其二恨梁摹白麻紙真蹟為新都

吳生所有

趙文敏得宋思陵十三行于陳灝蓋賈似道所購先  
九行後四行以悅生印款之此子敬真蹟至我朝  
惟存唐摹耳晉陵唐太常家藏宋搨為當今第一  
曾一見于長安臨寫刻石恨趙吳興有此墨蹟未  
盡其趣

褚河南臨契帖白麻蹟一卷曾入元文宗御府有天  
歷之寶及宣政紹興諸小璽宋景濂小楷題跋吾



鄉張東海先生觀于楊氏之行澤樓蓋雲間世家所藏予得之吳太學每以勝日展玩輒為心開

官奴帖真蹟在淳熙祕閣續刻昔年見之南都已聞為海上潘方伯所得又復歸王元美王以貽予座師新安許文穆公文穆傳之少子曹君一武弁借觀因轉售之今為吳大學用卿所藏

宋搨絳州帖乃官奴嫡冢故佳本在汝帖長沙之上此本已具各體即不完善比之威鳳一毛可藏也

雲麾將軍碑文多不全獨此刻前後讀之皆有倫次  
當是石未泐時拓本殊可寶藏

予得穎上楔帖較各帖所刻皆在其下當是米南宮  
所摹入石者其筆法頗似耳

吳用卿得黃庭經予定為唐人臨右軍

王珣書瀟灑古淡用卿得此可作寶晉齋矣

王元美家有虞永興汝南公主墓誌

米元章評紙帖與吾友王宇泰所藏天馬賦同是一

種書

朱敬韜所藏趙榮祿鮮于伯機真蹟借歸摹之戲鴻  
堂帖中

坡公書赤壁賦真蹟在王履善家每波畫盡處隱隱  
有聚墨痕非石刻所能傳耳

懷仁聖教序真蹟視陝本特為姿媚吾家有宋舍利  
塔碑云習王右軍書集之為習正合

顏魯公送劉太冲真蹟在長安趙中舍士禎家以予

借摹遂為好事者購去予凡一再見不復見矣淳熙祕閣續帖亦有刻

楊羲和黃庭經元時在鮮于樞家予昔從韓宗伯借摹數行茲勒以冠諸帖

清淨經似永興破邪論海上潘氏所藏宋帖也

索靖出師頌在樵李項子京家故是甲觀

張長史真書壁記世無別本唯王奉常敬美有之陳仲醇摹以寄予

定武契帖唯賈秋壑所藏至百餘種令其客廖瑩中縮為小本或云唐時褚河南已有之

丁酉三月十五日予在吳門韓宗伯家其子古周攜示予顏書顏書自身告徐季海書朱巨川告即海岳書所載皆是雙壁

明陳繼儒太平清話

米南宮樂圃墓志手蹟予從辰玉家見之

顧光祿有唐朝人兄妹共寫法華經七卷楷法甚精

予見蘇文忠手蹟與郭廷平帖又與中玉提刑帖又獻螭帖又蘇過題郭熙平遠帖舊為朱子僭所藏

文太史跋

予藏有東坡清醇帖手蹟

予于項玄度家見薛道祖字一幅又王晉卿謝餽帖一幅又韓絳字一幅又吳傳朋節婦詩一幅又沈文通秋杪帖一幅又蘇文定公和詩帖一幅歐陽玄字一幅又宋搨懷素千文一冊又東坡乞田帖

一卷又穎濱帖二卷又黃文節公詩帖一卷又米襄陽杜詩山水歌一卷又子昂文賦一卷吳興賦一卷而其間如蘇明允題懷素詩鄉志完建平東張南軒薦游誠之書皆生平未見之翰墨也諸蹟中宜以東坡手東六紙為輔而以懷素苦筍帖後有米敷文跋者冠之矣

紫陽山下有米南宮大書第一山三字于石壁予從友人張元弢處得其搨本

俞紫芝有臨十七帖向藏林叔大家後有大勅字世傳為勅本紫芝過其家臨之

顏書朱巨川誥真蹟有二卷皆絹本前後紹興小璽藏項子京家其停雲館刻墨蹟後有鄧文原喬簣成二跋者向為陸全卿太宰所寶跋千餘言今藏予家予故有寶顏堂印

子昂亭林碑其真蹟曾黏村民屋壁上王野賓買之以轉售項氏



思陵草書詩墨蹟藏項家押縫有御書之寶印書後  
有御書瓢印收藏有王濟之圖書及三槐堂印

褚河南聖教序有三本其字有肥瘦方圓寬緊不同  
子有瘦本元美公題籤

乙未六月初四日過項又新觀魯公顏真卿行書定  
襄王郭公帖趙子昂書張文階送秦少宰叙王羲  
之草書二帖黃太史墨妙趙子昂歸去來辭

予得俞仲蔚手寫金剛經一卷

大令送梨帖十字柳誠懸十二字向藏王敬美家分  
授第四子閑仲子見之大令字疑鈞填公權書真  
神品也

子昂書秋興賦行書墨蹟向為吾鄉王緝之所藏後  
有張東海跋今藏項希憲家

張顛酒德頌宋學士云曾見之

子見鮮于伯機草書昌黎琴操四章及秋興十首其  
真蹟後題云為國寶先輩書

趙魏公書予見其秋聲賦一卷晚歲筆也後有文太  
史徵仲顧應祥跋

宋高宗手書龍王勅向在三塔寺寺僧信大源質項  
子京家

高宗書養生論姚侍郎物也質吳伯度家

七月十二日見蘇東坡觀禱雨帖阿育王宸奎閣碑  
文蔡瑞明郎中帖東坡潤筆帖黃山谷維清道人  
帖米南宮竇先生帖又米南宮臨蘭亭皆真蹟項

玄度所藏

柳誠懸度人經藏項司馬少溪家今授仲子希憲

予見管仲姬字一卷平安家書付三哥收拆此池灣  
沈氏所藏子趙奕有跋

予于項氏見蔡君謨手蹟一卷其前二柬即停雲館  
刻索澄心堂紙帖也

明汪砢玉珊瑚網

魏太傅鍾繇戎輅宣示帖真蹟有宣和政和雙龍小

璽米芾諸印

晉右將軍王羲之敬和帖泥金簽頭宋御府祕藏有  
宣和印政和印思想帖真蹟此事帖瞻近帖墨蹟  
在硬黃紙上每思帖行穰帖止存二行約二十餘  
字在黃麻紙上後項子京自叙數行董玄宰題

大令十二月帖截中秋三行紙色與行穰相似無跋  
語玄宰題數行送梨帖真蹟

晉桓大司馬早燥帖楮上

謝康樂古詩帖巖下一老公四五少年贊

梁摹樂毅論真蹟項氏出此帖索價六十金

唐馮承素臨本樂毅論在黃麻紙上摺裱

唐摹蘭亭墨蹟

趙參軍摹晉千文

歐陽率更夢奠帖真蹟 虞伯施東觀帖

褚河南書枯樹賦真蹟兒寬贊真蹟臨右軍曲水序

世稱大厯蘭亭

唐文皇哀冊褚遂良墨蹟

薛稷書真蹟

唐通天進帖模本

孫虔禮草書千文帖在白麻紙上

李北海縉雲三帖

張長史春草帖又濯烟帖上有明昌寶玩御府寶繪

羣玉中祕諸印

顏魯公真書朱巨川告身真蹟鹿脯帖真蹟

柳誠懸楷書度人經卷真蹟

藏真草書清淨經在紙上食魚帖客舍等帖宋徽宗

題簽草書

高閑上人千文

杜樊川書張好好詩并序

韓致堯手簡十一帖

楊少師韭花帖真蹟夏熱帖

徐季海寶林寺詩蹟崇禎癸酉春項公定出此帖并

元人手札二卷欲售留予處月餘恨未能摹寫

宋太宗行書蔡行勅真蹟在金花牋上

徽宗瘦金書

李西臺六帖

蔡忠惠公進謝御賜詩卷二帖真蹟十帖真蹟裝為



橫卷寒蟬賦并序詩卷墨蹟

宋范忠宣手簡司馬溫公史草短啓帖

蘇子美草書二帖真蹟在粉箋上留別王原叔古詩

帖

宋孫之翰尺牘

王荆公介甫正書楞嚴經要旨

蘇文忠公天際烏雲卷在白粉箋上中行草書此卷

向在項又新處予嘗獲觀今為越石售去行書四

詩真蹟行書二詩真蹟武昌西山贈鄧聖求詩蹟  
行草端硯詩墨蹟在宋楮上小橫卷養老篇天慶  
觀乳泉賦韓舍人帖勤禪師帖病眼與徐得之札  
又一帖與質翁離騷九辨卷九歌卷陶靖節清晨  
聞扣門詩一首大楷書淵明飲酒一首書唐方千  
詩卷六十三首為王越石物醉翁亭記

穎濱先生詩帖

蘇長公兄弟祭黃幾道文

黃文節公書漢人得道陰長生詩三篇正書法語真

蹟在宋白楮上楮高尺餘長二丈絕無接縫楷書  
蓮經為吳文端公所藏草書釋典小真行書三帖  
共一卷在楮上伏波祠詩草書李太白憶舊游寄  
譙郡元參軍詩大書贈元師詩冊楷書趙景道帖  
并絕句詩八首草書秋浦歌題元上人此君軒詩  
答王彥周卷行書王長者墓志銘稿在紙上橫卷  
行書宋故瀘南詩老史翊正墓志銘稿又手簡一  
道雜錄冊舊名山山谷志林

石曼卿大字楷書古松詩墨蹟在宋楮上橫卷

米襄陽行草易說大行楷書天馬賦小楷七帖草書  
九帖行書四段前有修內司鈐縫半印吾鄉項少  
溪公所藏今歸盛念脩長者明公二帖南宮書翰  
李西涯篆于卷首行草集英詩蹟字大如掌平陽  
氏藏中岳詩卷湘西詩帖都梁十景詩蹟苔溪詩  
卷草書畫山水歌并絕句真蹟在楮上本朝袁忠  
徹家物也今歸谿陽史君峴山詩蹟小詞真蹟

薛道祖雲頂山詩真蹟臨蘭亭序

趙子固題照禪師道場詩行書墨蹟

薛尚功鍾鼎款識冊  
宋賢劄子十七帖

宋名公翰墨  
宋人手簡二通

宋高宗宸翰行書詩四首在白宋紙上上用御書之

寶大方印在押行草洛神賦書絹上後款云德壽

殿印

胡邦衡劄子楷書真蹟

韓忠武王二詞遺蹟

張樞相方少翁詞翰

汪龍溪手札

陳簡齋詩蹟

徽國文正公朱夫子手帖書寒詩卷卷首有崑山王

綸篆書

陸放翁草書大聖樂詞長相思詞五闋手簡二通真

蹟行草在楮上

吳大有詩帖

真西山與王周卿手簡在粉箋上

張樗寮正書金剛般若波羅蜜經跋項子京所藏又

一本為項子長所藏與子京本紙墨筆法不異毫髮  
張叔夏過韓平原樂慶園賦高陽臺詞蹟

宋丞相文信公劄子小行草真蹟在紙上橫卷

趙文敏公摹蘭亭叙臨楔帖在紙上真草千文四體  
千文臨智永千文小楷麻姑壇子仲穆書讀書城

南又司馬溫公勸學三帖卷楷書道德經真蹟二  
卷小楷高上大洞玉經在宋紙上有三千餘字橫  
卷高上大洞玉經金碧古文龍虎妙經楷書洛神

賦又書洛神賦卷又晚年書洛神賦行書歸去來  
辭勉學賦并序光福寺重建塔記真蹟卷楷書湖  
州妙嚴寺碑記在宋楮上橫卷公自篆卷首中峰  
懷淨土詩後系贊春寒詩首天冠山題咏行書釋  
詞雜書八則真蹟每則有款南谷二帖簡覺軒路  
教真蹟答子誠劄行書坡仙煙江疊嶂卷書陶詩  
鮮于奉常書詞子又草書唐絕真蹟  
虞伯生書虞雍公誅蚊賦詩卷真蹟



郭天錫手錄詩文雜記又手抄諸賢遺藁

貫雲石詩卷真蹟

俞紫芝楷書悟真篇

吾子行書古文篆韻二帙

柯丹丘山屏記

饒介之幻住詩蹟

沈仲說次韻遺蹟

王雲菴書香奩八詠卷

顧謹中詩卷

黃子久手札

王叔明書溪南醉歸詩

倪迂醉歌行墨蹟詩帖詩草遺蹟詩餘手蹟

莫昌詩翰

楊廉夫寄元鎮詩蹟小遊仙詩

張伯雨草書單條登南峰絕頂詩山居即事詩帖雜

詩冊

元名公為朱鍊師本初七序墨蹟天啓癸亥王二泉  
持此卷來以行促不及錄序語

元天目禪師劉順法語真蹟小真行書

中峰禪師書九字梅花咏

琦楚石詩翰

元名公翰墨卷

元賢翰劉疏

元人竹深處賦并叙諸詩卷

宣宗御製綠竹引并書

高季迪書南宮生傳

青邱子書惜花歎

宋仲溫書鐵崖古歌即鐵崖所跋

陳文東書楊廉夫贈相子先寫照序相鶴經又與時

中節判書

姚少師詩翰

王博士繼為婁江勝感接待寺八咏序并諸名公詩

記

桂孟平剪燈新話歌

金鸞書橙墩隱居行

方岳醉歌墨蹟

秦瀚廣書白居易池上篇

劉秩題留春軒墨蹟

俞養正書效白居易知足吟

于忠肅書落花吟

釋守仁書螺山隱士歌

孫忠烈書律詩四首後有總跋失去

姚公綬行書溪東篇咏物詩冊

吳文定公懷修竹書隱詩卷

本朝翰墨一卷為張汝弼徐禎卿聶大年吳原博祝允明陳道復顧璘王履吉陳沂王穀祥今只存汝弼一簡尚憶原博句有塵遠筆牀臨楔帖涼生湘簞理南華也

諸名賢垂虹別意詩并叙

沈啓南謝祝希周詩卷行書中秋月詩看花吟行草

諸歌行卷詩牋墨蹟雜題絕句墨蹟詞蹟

楊用修太史詞草

蔡林屋詩翰碧筠精舍記并諸名公詩卷

文太史楷書老子傳跋書前後赤壁在烏絲黃宋牋  
上盡楷法之妙休承為補兩圖拙政園記并詩長  
卷今日歌行草十美人詩卷三題吉祥菴卷詩餘  
墨蹟

祝京兆行書在山記文選跋書語怪上下帙卷末有

王守溪太傅筆記正德間異聞二則為墨林項氏  
所珍後歸吳功甫太學名顯科者功甫去世又歸  
之愛荆府君草書月賦卷偕美賦卷并叙急就行  
草懷知詩帖書古詩帖聞絃詩軸詩草諸蹟詞蹟  
唐伯虎詩蹟歎世詞八闕

王雅宜還山詩行草題咏墨蹟題畫諸蹟楷書石湖  
八絕句

陸五湖行書詩箋

王酉室詩草

徐子與送瑯琊王氏昆季詩草

彭孔嘉書冬游石湖記卷卷首為文壽承大書石湖春

曉圖陸子傳作圖於前

彭隆池詩帖

黃子雅行草詩冊

文文水書澄心窩銘

周幼海詩草

莫雲卿筆塵與劉生手簡詩詞墨蹟

王伯穀詩卷


白石山樵詩詞墨蹟

陳眉公冬餘記

張元汴書岫嶠山房記



湯鄰初仿蔡蘇黃米書燈夕詩



六藝之一錄卷三百八十

欽定四庫全書

子部

六藝之一錄卷三百八十三

詳校官中書<sub>臣</sub>陸 湘

貢外郎<sub>臣</sub>牛稔文覆勘

總校官檢討<sub>臣</sub>何思鈞

校對官學正<sub>臣</sub>翁樹棠

謄錄監生<sub>臣</sub>徐 莊

欽定四庫全書

六藝之一錄卷三百八十一

錢唐倪濤撰

歷朝書譜七十一

宋賢詩翰

蔡端明謝賜御書詩

臣襄伏蒙陛下特遣中使賜臣御書一軸其文曰御筆  
賜字君謨者臣孤賤遠人無大材藝陛下親灑宸翰推  
著經義俾臣佩誦以盡謀謨之道事高前古恩出非常

臣感懼以還謹撰成古詩一首以叙遭遇干冒聖慈臣  
無任荷戴兢榮之至 朝奉郎起居舍人知制誥權同

判吏部流內銓上騎都尉賜紫金魚袋臣蔡襄上進

官街

一行小  
楷書

皇華使者臨清晨手開寶軸香煤新  
泂名與字發深旨宸毫灑落奎鉤文  
精神高遠照日月勢力雄健生風雲  
泂然器質不可寫乃知學到非天真  
緘藏自語價希代誰顧四壁嗟空貧  
臣聞帝舜優聖域皋陶大禹為其隣

吁俞敕戒成典要垂覆後世如穹旻陛下仁明如舜禹  
豪英進用司鴻鈞臣襄材智最驚下豈有志業通經綸  
獨是丹誠抱忠朴常欲贊奏上古珍又聞孔子春秋法  
片言褒貶賢愚分考經內省莫能稱但思至理書諸紳  
乾坤大施入洪化將圖報効無緣因誓心願竭謨謀義  
庶禪萬一唐虞君

米芾文及甫三吳禪客謝克家鮮于樞趙孟頫胡  
儼解縉吳牧吳寬十跋見前

蔡君謨雜體詩卷

可笑天桃耐雪風  
山家墻外見疎紅  
為君持酒一相向  
生意雖殊寂寞同  
南劍州芋陽浦見臘月桃花

長岡隆雄來北邊  
勢到舍下方迴旋  
三世白士猶醉眠  
山翁作善天應憐  
如彼發源今流泉  
兒孫何數鷹馬然  
有起家者出其間  
願翁壽考无窮年  
書戴處士屋壁  
山僧九十五行是  
百年人焚香猶夜  
起意酒見天真生  
平持戒定老大有  
精神那知不變者  
却減故時新  
右

題龍紀僧居室

歐陽公題其傍云此一篇極有古人風格

雙溪為一流新構橫鮮赭浮居紫霄傍卧影澄川下峽  
深風力豪石峭湍聲瀉古劍蟄神龍商帆來陣馬晴光  
轉羣山翠色看萬瓦汀洲生芳艸香樹自閑冶生郡黃  
士安高文勇拔賈顧我久疎悴霜髭漸盈把臨津張廣  
筵窮晝傳清箏舞整驚浪翻歌扇嬌雲惹驪餘適晚霽  
望外迷空野曾是倦游人意慮亦瀟灑

右題南劍州

延平閣

大雪壓空野驅車猶遠行乾坤初一色晝夜忽通明有  
物皆遷白无塵頓覺清只看流水在却喜亂山平逐絮  
飄飄起投花點點輕玉樓天上出銀闕海中生舞極鴻  
浴態聞餘淅瀝聲客爐何暇煖官酤未能醒薄吹消春  
凍新陽破曉晴更登分界嶺南望不勝情 自漁梁驛  
至衢州大雪有懷

寧越門前路歸鞍駐石梁西山氣色好晚日正相當

右福州寧越門外石橋看西山晚照



吉祥亭下萬千枝看盡將開欲落時却是雙紅有深意  
故留春色綴人思 烘簾微照自生光吹面輕風與送

香誰把金刀收絕艷醉紅深淺上釵梁 的的名花對  
酒尊欄邊沈醉月黃昏今朝關外尋蘭蕙忽見孤芳欲  
斷魂 杭州臨平精嚴寺西軒見芍藥滿枝追想吉祥  
院賞花慨然有感書呈蘇才翁四月七日

夙昔神都別于今湘水遭故情彌望切佳月事追遨太  
守才賢重清明土俗豪犀珠來戍削鉦鼓去啾嘈湖樹

涵天濶船旗冒日高醉中春渺渺秋外日陶陶新曲尋  
聲倚名花逐種褒吟亭披越岫夢枕覺胥濤論議刀矛  
快心懷鐵石牢淹留趨海角分散念霜毛鱸膾紅隨筋

予之  
吳江

瀧波綠滿篙

君往  
巖瀧

試思南北路燈暗雨蕭騷

崇

德夜泊寄福建提刑章屯田思錢唐春月并遊

小字  
自注

盡道瑤池瓊樹新仙源尋到不逢人陳王也作驚鴻賦  
未必當時見洛神 嘉禾郡偶書

輕瀾還故潯墜軫無遺音好在池邊竹猶存虛直心往

還二十年每見唯清吟覺性既自如世味隨浮沈琅琅  
孤雲姿悵望空山岑豈不悟至理悲來難獨任 無錫  
縣弔浮屠日開

此泉何以珍適與真茶遇在物兩清絕於予獨得趣鮮  
香筋下雲甘滑杯中露當能變俗骨豈特湔塵慮晝靜  
清風生飄蕭入庭樹中含古人意來者庶冥悟 汲惠  
山泉煮茶

紫綬金章被寵榮筆床茶竈伴參苓只知江海能行道

未識朝廷舊有名笑我病玄相

闕

圭刀小試即春生

瘡痍未復君知否國手于今數老成

莆陽蔡襄

蔡君謨十帖

內山堂書帖

丙午三月十二日晚

欲尋軒檻到清樽江上煙雲向

晚昏須倩東風吹散雨明朝却待入花園

十三日吉祥院探花

花未全開月未圓看花待月思

依然明知花月無情物若使多情更可憐

十五日山

堂書

蘇東坡四詩卷

蟹眼已過魚眼生，颼颼欲作松風鳴。  
蒙茸出磨細珠落，旋轉繞甌飛雪輕。  
銀餅瀉湯誇第二，未識古人煎水意。  
君不見昔時李生好客手，自煎貴從活火發。  
新泉君不見今時潞公煎茶學西蜀，  
定州花瓷琢紅玉。我今貧病長苦饑，  
分無玉盃捧蛾眉。且學公家作茗飲，  
甌鑪石铫長相隨。不用撐腸拄腹文字五千卷，  
但願一甌長及睡。足日高時煎茶。

大絃春溫和且平小絃廉折亮以清平生未識宮與角  
但聞牛鳴盎中雉登木門前剝啄誰扣門山僧未聞君  
莫嗔歸家且覓千斛水淨洗從前箏笛耳聽賢師定

慧琴

云何見祖師為識本來面亭亭塔中人問我何所見可  
憐明上人萬法了一電飲水能自如指月無復眩我本  
修行人三世積精練中間一念錯受此百年譴摠衣禮  
真相感動淚雨霰借師鉞錫泉洗我綺語研過南華

寺

我欲乘輕舟東訪赤松子蓬萊不可到弱水三千里不  
如金山去清風半帆耳中有妙高臺雲峰自孤起仰觀  
初無路誰信平如砥臺中老比丘碧眼照窓几巉巉玉  
為骨凜凜霜入齒機鋒不可觸千偈如翻水何須尋德  
雲即此比丘是長生未暇學請學長不死 妙高臺

子瞻

徐龍友王夢高項元汴諸跋見前

蘇東坡寄王文父子辨兄弟二詩帖

行書

江上愁心千疊山浮空積翠如雲煙山耶雲耶遠莫知  
烟空雲散山依然但見兩崖蒼蒼暗絕谷中有百道飛  
來泉紫林絡石隱復見下赴谷口為奔川川平山開林  
麓斷小橋野店依山前行入稍渡喬木外漁舟一葉江  
吞天使君何從得此本點綴毫末分清妍不知人間何  
處有此境徑欲往買二頃田君不見武昌樊口幽絕處  
東坡先生留五年春風搖江天漠漠莫雲卷雨山娟娟



丹楓翻霞伴水宿長松落雪驚醉眠桃花流水在人世  
武陵豈必皆神仙江山清空我塵土雖有去路尋無緣  
還君此畫三嘆息山中故人應有招我歸來篇 書王  
定國所藏王晉卿煙江疊嶂圖一首

東坡先生未歸時自種來禽與青李五年不踏紅塵路  
夢逐東風泛蘋芷江梅山杏為誰容獨笑笑依依臨野水  
此間風物君未識花浪翻天雪相激明年我復在江湖  
知君對花三嘆息 次韻王晉卿送梅花一首

僕去黃州五周歲矣飲食夢寐未嘗忘之方請江湖一  
郡書此二詩寄王文父子辨兄弟亦請一示李樂道也  
元祐四年三月十日

元通跋見前

蘇東坡書武昌西山贈鄧聖求詩蹟

春江綠漲蒲萄醅武昌官柳知誰栽憶從樊口載春酒  
步上西山尋野梅西山一上十五里風駕兩腋飛崔嵬  
同游困卧九曲嶺褰衣獨上吳王臺中原北望在何許

但見落日低黃埃歸來解劍亭前路蒼崖半入雲濤堆  
浪翁醉處今尚在石臼杯飲無樽壘爾來古意誰復嗣  
君有妙語留山隈至今好事除草棘常恐野火燒蒼苔  
當時相望不可見玉堂正對金鑿開豈知白首同夜直  
卧看椽燭高花摧江邊曉夢勿驚斷銅環玉鎖鳴春雷  
山人帳空猿鶴怨江湖水生鴻雁來願君作詩寄父老  
往和萬壑松風哀 右武昌西山贈鄧聖求一首

岑象求樓鑰李東陽三跋見前

蘇東坡端硯詩卷

行草書

披雲離北巖度嶺入中夏重藉剪楚茅方函斲英檟騷  
壇意莫逆匠石語侈麥匪堊勞運斤如帶防毀銛礪

闕

觀隅整同厦津津剖馬肝索索模羊鮐氣逼松

滋豪姻聯雪濤姪登堂却蹢躅飲水何甜間守墨面豈  
黥含貞口終啞靜惟有壽焉玷尚可磨也魯史記獲麟  
晉帖題裹鮓供給到唐文護持等商竿眉形空愛纖風  
字仍嫌哆載觀七八評咸本六一寫退然敢摩肩信矣

俱出跨始知尹公他不媚王孫賈銘詩與器傳篆刻當  
碑打巖韻拾子遺微才任聊且軾 端硯聯句既成暮  
歸復拾餘韻別賦一首附錄卷後

蘇東坡村醪帖

村醪二尊獻張平陽

萬戶春濃酒似油想須百甕列床頭主人日飲三千客  
應笑窮官送督郵

詩裏將軍已築壇後來裨將欲登難已驚老健蘇梅在

更作風流王謝看肥出定知書滿腹瘦生應為語雕肝  
放懷灑落江山外留與人間激懦官

張公高躅不可到我欲挽肩纔覺難事業已歸前輩錄  
典刑留與後人看詩如琢雪清牙頰身覲飛龍吐膽肝  
少負清名晚方用白鬚翁竟作仙官

虞集陳復孔濤黃潛智及徐達左倪瓚張常明吳  
寬九跋見前

蘇東坡寒食詩

自我來黃州已過三寒食年年欲惜春春去不容惜今年又苦雨兩月秋蕭瑟卧聞海棠花泥汙燕支雪閣中

偷負去夜半真有力何殊

原蹟旁  
註病字

少年子

子字  
點去

病起頭

已白 春江欲入戶雨勢來不已雨

原蹟雨  
字點去

小屋如漁

舟濛濛水雲裏空庖煮寒菜破竈燒濕葦那知是寒食但見烏銜紙君門深九重墳墓在萬里也擬哭塗窮死

灰吹不起 右黃州寒食二首

黃山谷跋見前

蘇東坡芙蓉城詩并序

世傳王迴子高與仙人周瑤英游芙蓉城元豐元年三月余始識子高問之信然乃作此詩極其情而歸之正亦變風止乎禮義之意也

芙蓉城中花冥冥誰其主者石與丁珠簾玉案翡翠屏  
雲舒霞卷千俦停中有一人長眉青往來三世空鍊形  
竟坐誤讀黃庭經天門夜開飛爽靈無復白日乘雲軒  
俗緣千劫磨不盡翠被冷落淒餘馨因過緱山朝帝庭



夜聞笙簫弭節聽飄然而來誰使令皎如明月入窻櫺  
忽然而去不可執寒衾虛幌風泠泠仙宮洞房本不扃  
夢中同躡鳳凰翎徑度萬里如奔霆玉樓浮空聳亭亭  
天書雲篆誰所銘遶樓飛步高矚岍仙風鏘然韻流鈴  
遽廬形開如酒醒芳卿寄謝空丁寧一朝覆水不返瓶羅  
巾別泪空熒熒春風花開秋葉零偶然相值兩浮萍願  
君收視觀三庭勿與佳穀生蝗螟從渠一念三千齡下  
作人間尹與邢

鮮于樞倪瓚陳文東顧祿四跋見前

蘇東坡耳聾詩帖

行書

君不見詩人借車無可載留得一錢何足賴晚年更似  
杜陵翁右臂雖存耳先聵人將蟻動作牛鬪我覺風雷  
真一噫聞塵掃盡根性空不須更枕清流派大朴初散  
失混沌六鑿相攘更勝壞眼花亂墜酒生風口業不停  
詩有債君知五蘊皆是賊人生一病今先差但恐此心  
終未了不見不聞還是礙今君疑我獨伴聾故作嘲詩窮

險怪須防額痒出三耳莫放筆端風雨快

次韻秦太虛見戲耳聾

蘇東坡次傳道遊廬山詩帖

軾謹次傳道先生遊廬山高韻

塵容已似服轅駒野性猶同縱壑魚出入巖巒千仞表  
較量筋力十年初雖無窈窕驅前馬幸有鷓夷掛後車  
莫笑吟詩淡生活當令阿買為收書 閱訖幸即付去  
人送公弼郎中禹功太傅明叔教授各乞一首軾上

蘇東坡詩帖小冊

別君二十歲坐失兩鬢青吾道雖艱難斯文終典型屢  
作退飛鷁羞看乾死螢一落戎馬間五見霜葉零夜談  
空說劍春夢猶橫經新科復舊貫童子方乞靈須煩凌  
雲手去作一蜀星蒼苔高朕室古栢文翁庭初聞編簡  
香始覺鋒鏑腥岷峨有雛鳳桐竹養脩翎嗚呼應嶰律  
飛舞集虞廷吾儕便歸老亦足慰餘齡 送家友國教  
授成都

蘇東坡虎跑泉詩卷

行書

遊虎跑泉 軼

紫李黃瓜村路香  
烏紗白葛道衣裳

裳字原蹟點去

涼閉門野

寺松陰轉敲枕風  
軒客夢長因病得閒殊不惡  
心安是藥更無方  
道人不惜堦前水借與匏樽自在嘗

多爾濟巴勒舒魯道拉道能鼎臣黃潛杜本釋宗泐  
張紳沙白清濬釋弘道九跋見前

蘇東坡獨鶴南飛詩蹟

行書

獨鶴南飛送好音，山中橋梓共成陰。  
深衣偃僂如初命，卮酒從容向晚斟。  
城裡誰家開壽域，堂東多士作儒林。  
清霜未落黃華在，笑折高枝繞髻簪。  
蘇軾

蘇頴濱喜雪詩帖

轍謹賦喜雪一首奉權府運使司封郎中一

笑

發函寬大一封書，卧閣雍容三日餘。  
旋見雪花投院落，未應天意與人疎。  
瓦乾淅淅知鳴雷，畦潤漸漸想沒鋤。

高會梁園遺跡在  
早知詞賦似相如

蘇頲濱再賦喜雪帖

再用書字韻賦喜雪一首

春秋無麥似當書  
况復秋田水潦餘  
一雪專來救焦槁  
千箱乞與等親疎  
消殘溫癘曾非藥  
蝕遍陳根不用鋤  
猶恐遠村沾未足  
更呼農圃問何如  
轍上

蘇頲濱詩帖

朝議戴公遊宦蜀中愛其風物遂卜居成都方未能歸

因其西還為短篇送之眉山蘇轍上

岷山招我早歸來劍閣橫空未許迴北叟忽驚鶻鳩晚  
西轅欲及海棠開避仇賦客親耕耒因亂詩翁著酒杯  
但愛江山無一事為言父老莫相猜

蘇叔黨試後四詩帖

過錄呈金陵上吳開府兩絕句

時平無事清吟好衛霍貪功未是奇爭似一篇人膾炙  
四方傳誦卧龍詩 開府帥襄陽時嘗游隆中為諸葛



孔明賦詩有翻覆看俱好之句為世稱誦故云

廟堂陶鑄人材盡流落江淮老病身又踏黃花隨舉子  
思量鄧禹是何人

再游儀徵呈張使君

江淮冠蓋鬧如林求一已知何處尋風月欲談嫌許事  
山川不險似人心使君德量如天遠舉子科名自陸沉  
秋氣未悲先淚下黃花雖好不曾簪

寄如皋葉尉

借馬石莊去天寒曉出門亂岡行兔窟數點入鴉村欲  
醉酒力薄如迷海氣昏客游無限事端的向誰言

蘇氏一門諸帖及二蘇諸帖跋已見

黃山谷贈元師詩冊

元師自榮州來追送余於瀘之江安綿水驛因復用舊  
所賦此君軒詩贈之并簡元師從弟周彥公庭堅

歲行辛巳建中年諸公起廢自林泉王師側聞陛下聖  
抱琴欲奏南風絃孤臣蒙恩已三命望堯如日開金鏡

但憂衰疾不敢前眼見黑花耳聞磬豈如道人山繞門  
開軒友此歲寒君能來作詩賞勁節家有曉事揚子雲  
籜龍森森新間舊父翁老蒼孫子秀但知戰勝得道肥  
莫問無肉令人瘦是師胸中抱明月醉翁不死豈自說  
竹影生涼到屋椽此聲可聽不可傳建中靖國元年正  
月辛未江安水次偶住亭書

山谷與景道札并絕句八首卷

昌州使君景道宗秀也往余與公壽景珍游時景道方

為兒童嬉戲今頽然在朝班思公壽景珍不得見每見  
景道尚有典刑宣州院諸公多學余書景道尤喜余筆  
墨故書此三幅遺之翰林蘇子瞻書法娟秀雖用墨太  
豐而韻有餘於今為天下第一余書不足學學者輒筆  
悞無勁氣今迺舍子瞻而學余未為能擇術也適在慧  
林為人書一文字試筆墨故遣此不別作記庭堅頓首  
景道十七使君五月七日

九陌黃塵烏帽底五湖春水白鷗前扁舟不為鱸魚去

收取聲名四十年

甓社湖中有明月淮南草木借光輝故應剖蚌登王室  
不若行沙弄夕霏 右奉呈外舅孫莘老

小點大癡螳捕蟬有餘不足夔憐蚊退食歸來北窻夢  
一江春月趁漁舡 右歸自門下後省卧醵池寺書堂  
映日低風整復斜綠玉眉心黃袖遮大梁城裏雖罕見  
心知不是牛家花

九疑山中萼綠華紫雲承鞮到羊家真筌蟲蝕詩句斷

猶托餘情開此花

仙衣辟積駕黃鵠草木無光一笑開人間風日不可耐  
故待成陰葉下來

湯沐冰肌照春色海牛押簾風不開直言紅塵無路入  
猶傍蜂鬚蝶翅來 右和王仲至少監詠桃花四首用  
其韻

温革石湖袁立儒谿翁都穆六跋見前

黃山谷題元上人此君軒詩答王周彥卷

此道沈霾多歷年喜君占斗斲龍泉我學淵明貧至骨  
豈君有意師無絃瀟灑豈非侯爵命道人胸中有水  
鏡霜鐘堂下月明前枝枝雪壓如懸磬敝帚不掃舍人  
門如願不謁青鴻君來聽道人寫風竹手弄霜鐘看白  
雲平生竊聞公子舊今年誰舉賈生秀未知束帛何當  
來但有一印相倚瘦欲截老龍吟夜月無人處共江山  
說中郎解賞柯亭椽玉局歸時君為傳建中靖國元年  
三月辛未鍾陵黃庭堅魯直奉答周彥

黃山谷水仙花詩

凌波仙子生塵襪波上盈盈步微月被誰招此斷腸魂  
種作寒花寄愁絕含香體素欲傾城山礬是弟梅是兄  
坐對真成被花惱出門一笑大江橫

黃山谷三言詩帖

寄岳雲安九夏無閒緣實蕭灑碧溪頭古松下卧槃陀  
晝復夜八德水清且美盪精神浸牙齒亂雲根衆峯裏  
相與斟隨器爾



右陸游胡長孺二跋見前

黃山谷漫郎詩帖

漫郎江南酒隱處古木參天應手栽石均為尊酌花鳥  
自許作鼎調鹽梅平生四海蘇太史酒澆不下胸崔嵬  
黃州副使坐閒散諫疏無路通銀臺鸚鵡洲前弄明月  
江妃起舞襪生埃次山醉魂招彷彿步入寒溪金碧堆  
洗濯痕塵飲游客笑依武昌江作壘誰知文章照今古  
野老爭席魚爭隈鄧公勒銘留刻盡剝剔銀鈎洗綠苔

磨琢十年烟雨晦摸索一讀心眼開謫去長沙憂鵬入  
歸來杞國痛天摧玉堂却對鄧公直北門喚仗聽風雷  
山川悠遠莫浪許富貴崢嶸今鼎來萬壑松聲如在耳  
意不及此友生哀 舊詩一首辱蘇公賞音亦何能稱  
提獎之意承公見索不已故漫寫去甚點污此江南紙  
也可留齋几不必刻之西山庭堅頓首

黃山谷花氣詩帖

花氣薰人欲破禪心情其實過中年春來詩思何所似

八節灘頭水上船

米南宮中岳詩卷

拜中岳命作蒂

雲水心常結風塵面久虛重尋釣鼇客初入選仙圖鼠  
雀真官耗龍蛇與衆俱却懷閒祿厚不敢著潛夫

常貧須漫仕閒祿是身榮不托先生第終成俗吏名重  
緘議法口靜洗看山晴彛惠中何有圖書老此生

徐有貞魏應龍二跋見前

米南宮湘西詩帖

湘西衣冷榻留雲  
此日還如入夢魂  
六月薜蘿嗟我欲  
一生林壑與誰論  
吳王舊賞今何在  
惠可餘光宛若存  
對塌東堂清話歇  
長風快雨洗松門  
米黻

顧厚李簡呂企中吳寬東陽謝鐸元汴七跋俱已

見前

米南宮都梁十景詩蹟

十景在泗州

京洛風塵千里還  
船頭出汴翠屏間  
莫論衡霍撞星斗

且是東南第一山 第一山懷古

龜峯高聳接雲樓 撞月鐘聲吼鐵牛  
一百八聲俱聽徹 夜行猶自不知休  
龜山寺晚鐘

塔邊雲影任高低 閒逐清風自在飛  
四海望遙人久渴 不成霖雨又空歸  
五塔寺歸雲

西山月落楚天低 不放紅塵點翠微  
鶴唳一聲松露滴 水晶寒濕道人衣  
瑞巖庵清曉

鐵笛誰吹一曲哀 清風約我上層臺  
悠揚正到堪聽處

怕惹閒愁却下來 清風山間笛

山徑重重鎖綠苔 松花曾見幾番開  
羣仙費盡招呼力 那得休官一個來  
八仙臺招隱

風輕雲淡午天春 花外遊人載酒樽  
不是山屏遮隔斷 牧童錯指是孤村  
杏花園春晝

半山亭下老苔錢 鑿破玻璃引碧泉  
一片玉蟾留不住 夜深飛入鏡中天  
玻璃泉浸月

自是韶光不耐秋 水光山色一時休  
細將瓦礫分明看

片片飛來落葉愁  
會景亭陳迹

怪石纍纍玉作堆  
登臨晚景更徘徊  
夕陽無限堪停好

莫到奇山空自迴  
寶積山落照襄陽  
米芾題并書

米漫仕苕溪詩卷

將之苕溪戲作呈諸友  
襄陽漫仕散

松竹留因夏溪山去為秋  
久廩白雪咏更度  
采菱謳縷  
玉鱸堆案團金菊滿洲  
水宮無限景載與謝公遊

半歲依脩竹三時看好花  
懶傾惠泉酒點盡壑源茶  
主

席多同好羣峯伴不諱朝來還壺簡便起故巢嗟

余居半歲諸公載酒不輟而余以疾每約寘  
膳清話而已後借書劉李周三姓

好懶難辭友知窮豈念通貧非理生拙病覺養心功小  
圃能留客青冥不厭鴻秋帆尋賀老載酒過江東  
仕倦成流落遊頻慣轉蓬熱來隨意住涼至逐緣東入  
境親疎集他鄉彼此同煖衣兼食飽但覺愧梁鴻

旅食緣交駐浮家為興來句留荆水話襟向卞峯開過



剡如尋載遊梁意賦枚漁歌堪話處又有魯公陪

密友從春折紅薇過夏榮團枝殊自得顧我若含情漫  
有蘭隨色寧無石對聲却憐皎皎月依舊滿船行 元

祐戊辰八月八日作

米南宮呈陳建州詩卷

七年烏帽抗黃塵晝錦歸來世又新若過武彝山下看  
人間不大散精神

關頭何慕久京華靜洗黃塵眼界花萬寶精神在風月

好詩追取不須賒 數惡詩呈上陳建州覺民

陳詩首唱云汨汨塵埃閱歲華青山相見認空花清淮  
風月元無價憑仗詩翁為我賒又一篇云長淮千古自  
流東六月城頭日日風天際玉潢無少處夜山圖在月  
明中絕唱也為之刻而不復和

米南宮峴山詩蹟

皎皎中天月團團徑千里震澤乃一水所占已過二婆  
羅即峴山謬云形大地地惟東吳偏山水古佳麗中有

皎皎人瓊衣玉為餌位惟列仙掌學與千年對幽操久

獨處迢迢願招類飄帶

原闕三字

歛逐雲檣至朝濟輿馭颺

暮返秋光袂雲盲有風驅蟾餐有刀利亭亭太陰宮無

乃瞻星氣興深夷險一理洞軒裳偽

闕句

坦坦忘懷易浩

浩將我行蠢蠢須公起右和林公峴山之作鹿門居

士米芾

米南宮醉草

下淨名

萬籟寒深響羣山雨半開遲遲暮鐘裏且喚竹輿來

不集南山

山翁茗芋葛彊隨庭下青春鸞雀飛幕府慣為方外客  
風前懶易道家衣 襄陽米芾醉書

安雅堂跋見前

米南宮三吳詩帖 行書

敬謹以鄙詩送提舉通直使江西襄陽米黻

上

三吳有丈夫氣欲吞海水開口論世事借箸對天子瑞  
節高如松一歲幾繁使秋水浮湘月罇酒屢覲止言別  
不可攀寥虛看雲駛

米南宮多景樓詩帖

行書

縱目天容曠披襟海共開山光隨眦到雲影度江來世  
界漸雙足

惟未入閩

生涯付一杯橫風多景夢應似穆王臺

米南宮砂步詩帖

行草書

砂步

砂步漫皆合松門若掩桴悠悠搖艇子真似剡溪圖

又

已有扁舟興曾看過剡圖翻思名手盡誰復費工夫

米南宮諸體詩卷

行書織成烏絲闌絹本高八寸長八尺有御府鈐印

擬古

青松勁挺姿凌霄恥屈盤種種出枝葉牽連上松端秋  
光起絳烟旖旎雲錦殷不羞不自立舒光射九九栢見  
吐子效鶴疑縮頸還青松本無華安得保歲寒

龜鶴年壽齊羽介所託殊種種是靈物相得忘形軀鶴  
有冲霄心龜厭曳尾居以竹兩附口相將上雲衢報汝  
慎勿語一語墮泥塗

吳江垂虹亭作

斷雲一片洞庭帆玉破鱸魚金破柑好作新詩寄桑亭  
垂虹秋色滿東南

泛泛五湖霜氣清漫漫不辨水天形何須織女支機石

且戲嫦娥稱客星

時為湖州之行

入境寄集賢林舍人

揚帆載月遠相過佳氣蔥蔥聽誦歌路不拾遺知政肅  
野多滯穗是時和天分秋暑資吟興晴獻溪山入醉哦  
便捉蟾蜍共研墨綵牋書盡剪江波

重九會郡樓

山清氣爽九秋天黃菊紅茱滿泛船千里結言寧有後  
羣賢畢至猥居前杜郎閒客今焉是謝守風流古所傳  
獨把秋英緣底事老來情味向詩偏



和林公峴山之作

皎皎中天月團團徑千里震澤乃一水所占已過二婆  
羅即峴山謬云形大地地惟東吳偏山水古佳麗中有  
皎皎人瓊衣玉為餌位雖列仙長學與千年對幽操久  
獨處迢迢願招類金甌帶秋威歛逐雲檣至朝濟輿馭  
颺暮返光浮袂雲盲有風驅蟾餐有刀利亭亭太陰宮  
無乃瞻星氣興深夷險一理洞軒裳偽紛紛夸俗勞坦  
坦忘懷易浩浩我將行蠢蠢須公起

與前蹟畧有異  
同故並錄之

送王渙之彥舟

集英春殿鳴鞘歇神武天臨光下徹鴻臚初唱第一聲  
白面王郎年十八神武樂育天下造不使敲枰使傳道  
衣錦東南第一州棘壁湖山兩清照襄陽野老漁竿客  
不愛紛華愛泉石相逢不約約無逆輿握古書同岸幘  
淫朋嬖黨初相慕濯髮灑心求易慮翩翩遼鶴雲中侶  
土苴疋鴟那一顧邇來器業何深至湛湛具區無底汜  
可憐一點終不易枉駕殷勤尋漫仕漫仕平生四方走

多與英才並肩肘少有俳辭能罵鬼老學鴟夷漫存口  
一官聊具三徑資取捨殊塗莫迴首 元祐戊辰九月

廿三日溪堂米黻記

董其昌沈周祝允明王衡五跋見前

宋名公翰墨合卷

汪玉水藏本

蘇東坡牡丹和韻詩帖

光風為花好奕奕弄清溫撩理鶯情趣留連蝶夢魂飲  
酣浮倒暈舞倦怯新翻水竹傍邊意明紅似故園 牡

丹五言和人韻軾

蘇穎濱和子瞻詩帖

矯矯公孫才不羣  
白駒衝雪踏新春  
忽過銀闕迷歸路  
誤認瑤臺尋故人  
訪我不嫌泥正滑  
留君深愧酒非醇  
歸時九陌鋪寒月  
清絕空教僕御頻  
和子瞻兄招子  
高晚飲

米南宮雞黍詩帖

雞黍招要意已真  
後堂許到轉相親  
巧栽花竹豈多地

淨掃軒窗無一塵  
傾倒不知情話密  
衰隕深畏酒行頻  
落花一夜成疎迹  
風雨還增客恨新  
米飯

六藝之一錄卷三百八十一